



Title	漢詩四首
Author(s)	秋月，胤繼
Citation	懷徳. 1940, 18, p. 52-53
Version Type	VoR
URL	<a href="https://hdl.handle.net/11094/89048">https://hdl.handle.net/11094/89048</a>
rights	
Note	

*The University of Osaka Institutional Knowledge Archive : OUKA*

<https://ir.library.osaka-u.ac.jp/>

The University of Osaka

及洋學。尋入昌平饗。時歐米船艦交來。求互市不已。幕政失宜。海內騷然。尊攘之論盛起。翁慨然曰。國家多難。何事學乎。仗劍遊於常野之間。陰與勤王諸士相結。元治元年四月。武田耕雲齋等舉兵於筑波山。翁乃助之。轉鬪百餘日。然衆寡不敵。一軍四散。翁悵然大息曰。時未至矣。但此軀未死。宜暫護生以觀時運之推移耳。乃變服混商賈間。物色甚急。即纏僧衣。逃入京都。而其志不衰。既而幕府奉還大政。皇運維新。同棟之士。皆列于廟堂之上。拜美官享豐祿。而翁獨不預焉。笑曰。吾不能乘時趨勢與世相俯仰也。自是不復語天下之事。又曰收逸翁尤精王學兼邃禪理云。又曰末尾二語何等簡淨篇首提二句爲綱領。前半幅寫翁平生。是上句之事。後半幅叙翁閱歷。是下句之實。而精神在結二語妙々。

壬子三月下泮

膽山人章拜批

追記

大正七年秋。朝廷嘉翁生前勤王之功。特贈從五位。翁嘗有詩曰。人生最是無聊賴。亂後英雄雨後花。今有此恩命。翁有知應感泣於九原之下矣。時余有詩。如左。

雨花吟就奈情何。烈士暮年歎逝波。誰識春風吹散後。殘芳偏向九天多。

皇紀二千六百年元旦恭賦

秋月胤繼

無缺金甌傳自天。隆隆皇德八紘宣。斯迎嘉歲真堪賀。肇國二千六百年。

皇紀二千六百年紀元節恭賦

六合奠都宇八紘。帝謨宏遠照寰瀛。贊襄聖慮須今日。億兆一心期大成。

自昭和己卯九月起程。巡拜大和河內四十五山陵。今茲庚辰六月了焉。恭賦。

國體尊嚴無比稱。天胤奕世永相承。或攀丘岳又高敞。拜了冊有五帝陵。

山陵匝之以深濠。常湛千古碧水。恭賦。

降臨此土仰天孫。萬世至今一系存。深湛蒼蒼千古水。拜來轉覺國容尊。

征戰三年

吉田 銳 雄

夙建東方策。堂堂此出師。太空飛猛鷲。曠野躍雄熊。諸秦殲胡虜。連城樹旭旗。樓蘭何處匿。三載未擒之。

種竹

弄玉江南竹。窗前移植成。竿竿凝翠色。葉葉引風聲。市井雖污濁。藩籬獨掃清。此君真好伴。何日鳳來鳴。

曉起折梅

早曉山祠路。橋邊訪澗梅。幽姿凌雪立。素影送香來。書屋無殊觀。吟心似冷灰。一枝容我折。欲以作詩媒。

秋晚閒吟得東

征夫未返戰方中。抱著愁心坐晚風。木葉黃飛籬菊老。斜陽影冷射房櫳。